

Է. Գ. ԽԱՉԵՐՑԱՆ

ԺԱՄԱՆԱԿԻ ՊԱՐԱԳԱ ԵՐԿՐՈՐԴԱԿԱՆ
ՆԱԽԱԴԱՍՈՒԹՅՈՒՆՆԵՐԸ ԴԱՍԱԿԱՆ ՀԱՅԵՐԵՆՈՒԾ

Դասական հայերենը հարուստ է ստորադասական բարդ նախադասութիւն մեջ արտահայտված ժամանակի շարահյուսական կատեգորիան նշող պարագայական նախադասութիւններով: Նա օժտված է ժամանակային ամենաբազմադան հարաբերութիւններ դրսևորելու իմաստային երանգներով ու կառուցվածքային տարրեր տիպերով:

Ուսումնասիրելով ժամանակի պարագա երկրորդական նախադասութիւնները գրաբարում, նկատում ենք, որ դրանք դրսևորվում և կառուցվում են՝ ա) ստորադասական շաղկապներով, բ) հարաբերական բառերով և գ) բարդ նախադասութիւն մասերի շարահասման անշաղկապ ձևերով: Սակայն մենք սույն հոդվածում սահմանափակվում ենք շաղկապներով և հարաբերական բառերով կաղմվող ժամանակի պարագա երկրորդական նախադասութիւնների հետազոտմամբ, թողնելով անշաղկապ ձևերի ուսումնասիրութիւնը ա՛յլ առիթի:

Ժամանակի երկրորդական նախադասութիւնները, ժամանակային հարաբերութիւնները արտահայտելու տեսակետից, բաժանվում են երկու մեծ խմբերի.

Առաջին, երբ ստորադասական բարդ նախադասութիւն երկու մասերի գործողութիւններն էլ կատարվում են միևնույն ժամանակում, ուստի և միաժամանակյա գործողութիւն են նշում:

Երկրորդ, երբ ստորադասական բարդ նախադասութիւն երկու մասերի գործողութիւնները կատարվում են տարբեր ժամանակներում:

ԳՈՐԾՈՂՈՒԹՅԱՆ ՄԻԱԺԱՄԱՆԱԿՈՒԹՅՈՒՆ ՅՈՒՑՑ ՑՎՈՂ
ԳԼԽԱՎՈՐ ԵՎ ԵՐԿՐՈՐԴԱԿԱՆ ՆԱԽԱԴԱՍՏՈՒԹՅՈՒՆՆԵՐ

Ընդհանուր առմամբ միաժամանակությունն ցույց տվող բարդ ստորադասական նախադասության կազմում գլխավոր և երկրորդական մասերի գործողությունները կատարվում են միևնույն ժամանակահատվածում, ժամանակի միևնույն շրջանակում, առանց մեկը մյուսին հաջորդելու կամ նախորդելու: Չնայած դրան, միևնույն այդ ժամանակահատվածի նկատմամբ գլխավոր և երկրորդական նախադասությունների գործողությունները, տեղողության առումով, տարբեր են լինում, ըստ այդմ էլ ժամանակային բազմազան հարաբերություններ են բացահայտվում հենց այդ միաժամանակության շրջանակում: Ելնելով դրանից, միաժամանակությունն ցույց տվող բարդ ստորադասական նախադասությունները, իրենց հերթին, մենք բաժանում ենք մի քանի տարատեսակների:

ԳՈՐԾՈՂՈՒԹՅԱՆ ԸՆԴՀԱՆՈՒՐ ՄԻԱԺԱՄԱՆԱԿՈՒԹՅՈՒՆ ՅՈՒՑՑ ՑՎՈՂ
ԳԼԽԱՎՈՐ ԵՎ ԵՐԿՐՈՐԴԱԿԱՆ ՆԱԽԱԴԱՍՏՈՒԹՅՈՒՆՆԵՐ

Դասական հայերենում կան բարդ ստորադասական նախադասությունների այնպիսի տիպեր, որոնցում գլխավոր և երկրորդական նախադասությունների ստորոգյալները գործողության հավասար մասնակցություն են ցուցաբերում ժամանակի միևնույն հատվածի նկատմամբ, ընդ որում գլխավոր նախադասության գործողության ժամանակը նկարագրվում և բացահայտվում է երկրորդական նախադասության գործողության ժամանակով: Այդպիսի կառուցվածքները մենք անվանում ենք գործողության ընդհանուր միաժամանակությունն ցույց տվող գլխավոր և երկրորդական նախադասություններ: Սրանց դրսևորման գլխավոր առանձնահատկությունն այն է, որ բարդ նախադասության գլխավոր և երկրորդական մասերի ստորոգյալները արտահայտվում են ժամանակային տեղողության տեսակետից ինչպես սկսված, բայց չավարտված, ընթացքի մեջ եղող, այնպես էլ սկսված և ավարտված գործողություններով, հետևաբար դրանք իրենց բնույթով լիովին համընկնում են միմյանց: Այդ նշանակում է, որ նման կառուցվածքի նախադասության գլխավոր և երկրորդական նախադասությունների գործողությունները կատարվում են զուգընթացաբար:

«Յորժամ երկիր շէր և ոչ տունկը ինչ որ ի նմանէ, զբարսմունսն ուստի՝ գառնէր ունել ի ձեռին, կամ քնաւ զինչ իսկ յուզէր, զի անսունք չև ևս էին արարեալս (Եզնիկ, Եղծ աղանդոց, էջ 83):»

«... յորժամ (արևն) մօտ հասանէ ի նա (ի լուսին)՝ լնու և յորժամ
անցանէ զարեգակամր՝ սկսանի սակաւ նոսազել» (Ն. տ. 140):

Սակայն ուշագրավ է դիտել մի հանգամանք, որը առանձնա-
հատուկ է գրարարի շարահյուսական համակարգին. ժամանակա-
շին հիշյալ հարաբերութիւնը արտահայտելու համար դասական
հայերենը կառուցում է բարդ նախադասութեան այնպիսի տիպեր,
որոնցում ժամանակի պարագա հանդիսացող երկրորդական նա-
խադասութիւնների ստորոգյալները սահմանական եղանակի ներ-
կա անկատարի փոխարեն դրվում են ստորադասական եղանակի
առաջին ապառնու (ներկա) բայաձևով:

«... բրուտն յորժամ անօթս գործիցէ՝ ոչ ինքն անօթ լինի, այլ
գործիչ է անօթոցն, ուստի և զանուանումն արուեստին առնու»
(Եզնիկ, ԵԱ, 21):

Եզնիկից վերցրած այս օրինակում, քեւ երկրորդական և գըլ-
խավոր նախադասութիւնների ստորոգյալները բայական տարրեր
ձևերով են արտահայտված, սակայն իրականում երկուսն էլ ներ-
կայի իմաստով են գործածված: Այս հանգամանքը բացատրվում է
միայն գրաբարին հատուկ օրինաչափութեամբ. ինչպես հայ խո-
շորագույն քերականագետները (Այտընյան, Չալըխյան) դիտել են,
յորժամ, եթէ, ուր, ուր և այլ բառերով սկսվող նախադասութեան մեջ
ստորադասական ստորոգյալը արտահայտվում է ներկա անկատարի
փոխարեն առաջին ապառնիով, Նույն երևույթը դրսևորվել է նաև
վերոհիշյալ բարդ ստորադասական նախադասութեան մեջ:

Սույն ենթատեսակին պատկանող բարդ նախադասութեան գըլ-
խավոր և երկրորդական մասերի շարահյուսական իմաստը, նրանց
ժամանակային փոխհարաբերութիւնները դրսևորվում է քերակա-
նական հետևյալ միջոցներով.

ա) երկրորդական նախադասութիւնը կապվում է գլխավոր
նախադասութեանը յորժամ, իբրև, երբ հարաբերական բառերով,
ինչպես նաև մինչ, մինչդեռ, եթէ, քէ շաղկապներով:

բ) ստորոգյալները իրենց եղանակային և ժամանակային հա-
րաբերութիւններով մեծ դեր են կատարում շարահյուսական տար-
բեր իմաստներ արտահայտելու գործում:

գ) գլխավոր և երկրորդական նախադասութիւնների բառային
կազմը համեմատաբար քերականական օժանդակ միջոց է հանդի-
սանում ժամանակային հարաբերութեան նշելու համար:

դ) կարևոր քերականական միջոց է նաև գլխավոր և երկրոր-
դական նախադասութիւնների շարահյուսութիւնը, որը նույնպես
իմաստային երանգներ է առաջացնում:

Այժմ քննենք քերականական այդ միջոցների կոնկրետ կիրառությունը գրաբարի դասական շրջանի մատենագրության փաստերով:

ՅՈՐԺԱՄ.— Գործողության ընդհանուր միաժամանակություն է նշում գլխավոր նախադասությանը յուրժամ հարաբերական բառով միացած երկրորդական նախադասությունների զգալի մասը: Այս հարաբերական բառը դասական շրջանում գործածության լայն շրջան է ունեցել և իր կենսունակությամբ մրցման մեջ է եղել շարահյուսական հոմանիշ հանդիսացող իբրև հարաբերական բառի հետ:

Երբ դատողություն է արվում որևէ երևույթի, առարկայի և այլնի մասին ընդհանրապես, առանց ժամանակի կոնկրետացման, գլխավոր նախադասության մեջ օգտագործվում է սահմանական եղանակի ներկա ժամանակը, իսկ երկրորդական նախադասության ստորոգյալը առհասարակ դրվում է ստորադասական եղանակի առաջին ապառնիով, որը պայմանավորված է երկրորդական նախադասության սկզբում «յորժամ» հարաբերական բառի առկայությամբ, ուստի և հանդես է գալիս իր ձևական նշանակությամբ:

«Այդ այնմ նման է, յուրժամ ի քարանց ոք շինուածս անիցէ՝ պատշաճելոյն և յօրինելոյն միայն արարիչ է, և ոչ բնութեանն» (Եղն., ԾԱ, 22):

Բայց այս երևույթը բացարձակ չէ, որովհետև հենց դասական շրջանի միևնույն հեղինակների մոտ հանդիպում ենք տատանումների, հետևաբար այդ օրինաչափությունը չի պահպանվում. յուրժամ հարաբերական բառով կապակցվող երկրորդական նախադասության ստորոգյալը համապատասխանում է գլխավոր նախադասության ստորոգյալին՝ և՛ եղանակային, և՛ ժամանակային հարաբերությամբ:

«... որպէս և այժմ սպանողք յուրժամ ի պատիժս մաանեն՝ ոչ բարերարս զպատժածուսն կռչեն, այլ շարարարս» (Եղն., ԾԱ, 26):

Ունենք նաև տվյալ հարաբերական բառով կապակցված այնպիսի բարդ նախադասություններ, որոնց գլխավոր և երկրորդական մասերը իրենց իմաստային փոխհարաբերությամբ ժամանակային գաղափար արտահայտելով հանդարձ, պայմանի շեշտված հարաբերություն են նշում:

«Եւ եղիցի յուրժամ առնուցուք զքաղաքն, այրեսցիք զնա հրով» «Յեսու, Բ, 8):

Սակայն այս տիպի երկրորդական նախադասությունները պայմանի երանդ հաղորդելով հանդերձ ամբողջ բարդ նախադասու-

թյանը, հիմնականում ժամանակային հարաբերություն են արտահայտում: Այդ ապացուցելու համար կարող ենք դիմել հետևյալ միջոցի. հեշտությամբ կարելի է տվյալ բարդ նախադասությունների յուրօրինակ հարաբերական բառը փոխարինել եթէ, թէ շաղկապներով: Բայց այս դեպքում ևս ժամանակի իմաստային կողմը պիտի գերակշռեր պայմանականի նկատմամբ: Մյուս կողմից՝ ունենք հենց եթէ, թէ շաղկապներով կապակցված այնպիսի երկրորդական նախադասություններ, որոնք պայմանի իմաստի հետ ղուղընթաց, ըստ էության, ժամանակային հարաբերություն են նշում: Այս հրեփոխվելով կարում է այն մասին, որ ժամանակի և պայմանի երկրորդական նախադասությունները սերտ աղերսակցության մեջ են գրտնըվում միմյանց հետ, հետևաբար փոխանցման լաճն հնարավորություն են ձեռք բերում:

«Եթէ տեսանիցես զարծաթ, համարեսչիր թէ անագ իցէ» (Ոսկեբերան, հատ. 1, էջ 61):

Յուրօրինակ հարաբերական բառով կապակցվող երկրորդական նախադասությունները արտահայտում են նաև ապագայում կատարվելիք գործողություն. երկրորդական նախադասության ստորոգյալը դրվելով 1-ին կամ 2-րդ ապառնիով՝ արտահայտում է ըղծական եղանակի իմաստ, իսկ դիսավորինը՝ սահմանական եղանակի ներկա ժամանակով կամ 2-րդ ապառնիով դրսևորում է պայմանական եղանակի իմաստ:

«Յուրօրինակ սա իմ, սա քո իցէ, յայնժամ յուզի կագ, և ուր այն չիցէ, և ոչ կագ ի միջի և ոչ հակառակութիւն ծնանի» (Ոսկ., հատ. 1, 103): «Դու առ այժմ երթ, և յուրօրինակ ժամ լիցի, կոչեցից զքեզ» (Գործք առաքելի, 25—26):

Ընդհանրապես ապագայում պարբերաբար կատարվելիք գործողության դեպքում, գլխավոր և երկրորդական նախադասությունների ստորոգյալները կարող են դրվել 2-րդ և առաջին ապառնիով:

«Յնծաւցեն շրթունք իմ՝ յուրօրինակ սաղմոս ասիցեմ քեզ, և անձն իմ զոր և փրկեցեր» (Գիրք Սաղմոսաց, 2, 23):

Երբ բարդ նախադասությամբ հաղորդվում է հորդոր կամ հրաման մի բան շանելու կամ մի բանից խուսափելու վերաբերյալ, երկրորդական նախադասության ստորոգյալը դրվում է 1-ին ապառնիով:

«Մի յապաղեր բարի առնել կարօտելոյ, յուրօրինակ ձեռննաւ իցես օգնել նմա» (Առակք Սողոմոնի, 9, 27):

Առանց իմաստային երանգ ավելացնելու վերջին տիպի նախադասությունների վրա, մի արգելական մասնիկով 1-ին ապառնիով

հանդիպում ենք հետևյալ կառուցվածքի նախադասությունների մեջ.

«... եւ յորժամ ելանիցէք, մի ելանիցէք դատարկք» (Եւք, 2, 7):

Անցյալում հաճախակի կատարվող գործողությունը դասական ջրջանի գրաբարում դրսևորվում է գլխավոր և երկրորդական նախադասությունների ստորոգյալների անցյալի անկատարի օգտագործմամբ: Այդ հանգամանքը բխում է նշանից, որ սահմանական եղանակի անցյալի անկատարը արտահայտում է այնպիսի գործողություն, որը անցյալ ժամանակակետի նկատմամբ սկսված, բայց չավարտված, ընթացքի մեջ եղող, շարունակական գործողություն է նշում, որի միջոցում թույլ է տրվում կատարել սովորաբար տեղի ունեցող գործողություն:

«Եւ էր ի ժամանակին յայնմիկ երիվարն Մուշեղի, ճերմակ ձի մի. իսկ թագաւորն Պարսից Շապուհ յորժամ առնայր զինի ի մատունսն ըմպել, յորժամ ուրախութեանն իւրոյ խրախութիւնս առնէր ղօրացն իւրոց, առէր ճերմակաձին զինի արբցէ» (Քիւղ. 284):

Երբ հարկավոր է ցույց տալ անցյալ ժամանակում սկսված և վերջացած գործողություն, այդ դեպքում գլխավոր և երկրորդական նախադասությունների ստորոգյալները դրվում են անցյալ կատարյալ ժամանակով:

«Յորժամ եկն որդիդ քո այդ, որ եկեր զկեանս քո ընդ պոռնիկս, զեմեք դմա զեզն պարարակ» (Ղուկասու, ԺԵ 30):

Երբեմն երբ երկրորդական նախադասության ստորոգյալը արտահայտվում է անցյալ դերբայով, հանդես է գալիս իբրև դերբայական նախադասություն, ապա գլխավոր նախադասության ստորոգյալը թեև դրվում է անցյալի անկատարով, բայց դրսևորում է անցյալում սկսված և ավարտված գործողություն, այսինքն՝ վերջինս ներկայանում է անցյալ կատարյալի փոխարեն:

«Իսկ նա յորժամ հասնալ առ Վարազն, յայա առնէր զիրս խնայութեանն, ի գրգռութիւն ջանացեալ ոչ կամէր բժշկել զնենդախօսութիւնն իւր» (Քիւղ., ԴԶ, 254):

Երբ գլխավոր նախադասության գործողությունը կատարվել է վաղ անցյալում, ստորոգյալը դրվում է բաղադրյալ ժամանակով՝ վաղակատար-հարակատար անցյալով¹, այն է՝ անցյալ դերբայով և եւմ օժանդակ բայի անցյալի անկատարով:

¹ Օգտագործում ենք դոց. Ա. Աբրահամյանի՝ իր «Գրաբարի ձեռնարկում» (էջ 243, 1952 թվականի հրատ.) առաջարկած տերմինը, որն ավելի ճշգրիտ է բաղադրյալում տվյալ բայաձևի եղանակային և ժամանակային հարաբերությունները:

«Ձայս ամենայն բազմութիւն Հրէից, զոր գերեցին տարան յերկրէն Հայոց, ամենալ էր յերկրէն պաղեստինացաց մեծի Թագաւորին Հայոց Տիգրանայ ի ժամանակին՝ յորժամ գերեաց նա և ամ ի Հայս զքահանայապետն Հրէից զՀիւրկանգոս զառաջին ժամանակաւ (Բիւլ., 262)։

Գլխավոր և երկրորդական նախադասութիւնների գործողության կատարման ժամանակների անհամաձայնության բացառիկ երևութ է, երբ երկրորդական նախադասության ստորոգյալի անցյալ ժամանակին՝ գլխավոր նախադասության մեջ փոխանակ ստորոգյալի անցյալ ժամանակը համապատասխանելու, որպիսին ընդհանուր օրինաչափութիւնն է մնացած բոլոր դեպքերի համար, ներկա ժամանակն է գործածվում, եթե բայը ամել բառն է։

«Եւ եղև յորժամ ամին ժողովեցին զամենայն զգերին քաղաքին ի մի վայր, և անցուցին ըստ Տափերն կամուրջ, և ամենին համար գերտյն, ի մէջ շերտափակ դօրացն պատէին, ամեն դօրագլուխքն Պարսից ցԶուիթ երէց քաղաքին Արտաշատու (Բիւլ., 261)։

Ընդհանրապես երկրորդական նախադասութիւնները գլխավորին կապող յորժամ հարաբերական բառին գլխավորի մեջ հարաբերյալ չի համապատասխանում։ Բայց երբ անհրաժեշտութիւնն է զգացվում գլխավոր և երկրորդական մասերի միջև ավելի սերտ կապակցութիւն ստեղծել, այդ դեպքում չի բացառվում գլխավոր նախադասության մեջ յայնժամ հարաբերյալի գոյութիւնը։ Դա ավելի շոշափելի ու անմիջական է դարձնում մտքի կապը երկուսի միջև։ Հարաբերյալն առկա է լինում այդտեղ իր ձևական նշանակութեամբ, որի կոնկրետ բովանդակութիւնը բացահայտվում է միայն երկրորդական նախադասութեամբ։

«... յայնժամ քաւեալ լիցիս ի նզովից աստի իմոց, յորժամ երթիցես ի տոհմն իմ...» (Մեռնդք, ԻԴ, 41)։

Շարադասության տեսակետից մեր քննության առած յորժամ հարաբերական բառով կապակցվող երկրորդական նախադասութիւնները ազատ շարադասութիւն ունեն. նրանք հանդես են գալիս բարդ նախադասության և՛ սկզբում, և՛ մեջտեղում, և՛ վերջում, ուստի և լինում են նախադաս, միջադաս և վերջադաս։

ԻՐԲԵՒ.— Այս հարաբերական բառը դասական շրջանի մատենագրության մեջ ժամանակի երկրորդական նախադասութիւնները գլխավորին կապակցող, յորժամ հարաբերական բառի հետ զուգընթաց, հիմնական քերականական միջոցներից մեկն է հանդիսանում։ Նրանով կապվող երկրորդական նախադասութիւնների նշանակալի մասը գործողության ընդհանուր միաժամանակութիւնն են

ցույց տալիս գլխավոր նախադասութիւնների գործողութեան զուգ-
ընթաց, նրանց հետ միասին: Շարահյուսական հոմանիշ լինելով
յուրօրինակ հարաբերական բառին, իր կատարած ֆունկցիայի և կի-
րառութեան եղանակի տեսակետից ոչնչով չի տարբերվում նա-
խորդից:

«Եւ իբրեւ արեւն ի մուտս լինէր, բոցք հատանէին» (Մնունդք,
ԺԵ, 17): «Եւ իբրեւ ելին ի նաւն, հանդարտեաց հողմն» (Մատթ.,
ԺԴ, 32):

ԵՐԲ.— Գործողութեան ընդհանուր միաժամանակութիւնն են
նշում նաեւ եւր հարաբերական բառով միացած երկրորդական նա-
խադասութիւնները: Շարահյուսական ֆունկցիայով և կիրառու-
թեան եղանակով այս հարաբերական բառը նման է յորժամ, իբրեւ,
մասամբ նաեւ մինչ շաղկապով ժամանակային հարաբերութիւն
ցույց տվող բառերին: Բայց գործածութեան հաճախականութեան
տեսակետից այն չափազանց աննշան է, հանդիպում է շատ հազ-
վադեպ: Եղնիկի մոտ դիտել ենք եւր հարաբերական բառով միա-
ցած ժամանակի պարագա երկրորդական նախադասութիւնների
ընդամենը երկու դեպք: Այդ նշանակում է, որ նման կառուցվածքի
պարագայական նախադասութիւնները նորագոյացումներ են հենց
դասական շրջանից սկսած, որոնք օժտված լինելով մեծ կենսունա-
կութեամբ, հետագայում դուրս են մղում յորժամ և իբրեւ հարաբե-
րական բառերով կառուցված երկրորդական նախադասութիւնները
և այնքան են ծավալվում ու տիրապետող դառնում, որ արդեն աշ-
խարհաբարում ժամանակի պարագա (և ո՛չ միայն ժամանակի պա-
րագա) երկրորդական նախադասութիւնների գերակշիռ մասը այդ
հարաբերական բառով է կառուցվում:

«Եւ զիա՞րդ իցէ, զի հրեշտակք եւր լսեն զանունն Աստուծոյ՝
ուրախ լինին, և գեւք ոչ երբէք» (Եզն., ԵԱ, 104): «Երիկունն, եւր
ի մահիճսն ելանես, համարեա թէ ի գերեզման ես իշեալ» (Եզն.,
ԵԱ, 213):

Ինչպես տեսնում ենք, երկու դեպքում էլ միշտպէս է գործած-
ված երկրորդական նախադասութիւնը. բայց եթե առաջին օրինա-
կում երկրորդական նախադասութիւնը նկարագրում ու բացահայ-
տում է գլխավոր նախադասութեան գործողութիւնը ժամանակի
տեսակետից, ապա վերջին օրինակում երկրորդական նախադասու-
թեամբ ավելի ճշգրտվում, կոնկրետացվում է գլխավոր նախադա-
սութեան անդամ հանդիսացող երիկունն ժամանակի պարագայի
բովանդակութիւնը:

Ուշագրավ է հետևյալ միավորյալ բարդ նախադասությունը, որի կազմում կան երկու բարդ նախադասություններ, որոնց երկրորդական մասերը մի դեպքում գլխավորին միացել է չյորժամա հարաբերական բառով, մյուս դեպքում՝ երբ հարաբերականով, բայց շարահյուսական ֆունկցիայի տեսակետից միևնույն պաշտոնն են կատարում և իմաստային միևնույն երանգով են օժտված, այն է՝ ընդհանուր միաժամանակություն արտահայտելով հանդերձ, երկրորդաբար դրսևորում են պայմանի փմաստ:

ԵՃրագ մարմնոյ ակն է. յորժամ ակնն առատ է, ամենայն մարմինն լուսավոր եղիցի, եւ երբ ակն չար է, եւ մարմինն խաւարին եղիցի» (Ղուկ., ԺԱ, 34):

Մինջ.— Այս շաղկապով կապակցվող երկրորդական նախադասությունները մեծ մասամբ նույնպես ընդհանուր միաժամանակյա գործողություն են նշում իրենց գլխավոր նախադասությունների հետ, թեև համեմատաբար յորժամ և իբրև հարաբերական բառերից դորժածությունն առավել սեղմ ոլորտով և սակավադեպ կիրառությամբ: Շարահյուսական ֆունկցիայով և կիրառության եղանակով թեպետև հիշեցնում է նախորդներին, սակայն ի տարբերություն վերջինների, ժամանակի ըմբռնման տեսակետից գլխավոր և երկրորդական նախադասությունների փոխհարաբերության առնչությամբ ժամանակային առավել կամ նվազ երկարատև միջոց է ենթադրում, քան յորժամ, իբրև, երբ հարաբերական բառերով կապակցվող երկրորդական նախադասությունները, և արտահայտում են գլխավոր նախադասության գործողության տևողություն այնքան ժամանակ, որքան, կամ քանի դեռ շարունակվում է երկրորդական նախադասության գործողությունը: Այս առումով արդեն այստեղ առկա է սահմանափակման գաղափարը, այսինքն՝ գլխավորի գործողությունը պայմանավորվում և սահմանափակվում է երկրորդական նախադասության գործողության ժավալով: Այս երկու առանձնահատկություններն անհրաժեշտ է ընդգծել, որպեսզի ճշգրիտ պատկերացում կազմենք այս տիպի բարդ նախադասությունների փերաբերյալ:

ԵԶոր օրինակ փայտ, խոտ, եղէգն, թէ ընդ վայր անկեալ կայցեն ի դաշտի, մինչ ջեր իցէ և պարզ, թէպէտ և ցիր կայցէ, չխարխարի ի տեղւոյն...» (Սեզճ, 26): Համեմատի՛ր նույն նախադասության շարունակությունը. «... խկ յորժամ հեղեղ սաստիկ յառնիցէ, խաղացուցանէ միանգամայն զփայտն և զխոտն և զեղէգն» (ՍեԳՃ, 26):

Սահմանափակութեան իմաստը ուժեղ է ընդգծված այնպիսի բարդ նախադասութիւններում, որոնց գլխավոր նախադասութեան ստորոգյալի գործողութիւնը կամ եղելութիւնը անցյալ ժամանակակեանի նկատմամբ սկսված բայց չավարտված վիճակում է գտնուվում այնքան ժամանակ, որքան ժամանակ հարատևում է երկրորդական նախադասութեան մեջ: Այստեղ սահմանափակութեան հետ միասին ղդացվում է գործողութիւնների պայմանավորվածութիւն, նրանց կատարման հարաբերական համեմատութիւն, մեկի կատարմամբ տեղի է ունենում նաև մյուսը: Նման կառուցվածքի նախադասութեան գլխավոր և երկրորդական մասերում ստորոգյալը լինում է բաղադրյալ, այսինքն՝ վիճակ արտահայտող բառից և օժանդակ բայի անցյալի անկատար բայաձևից բաղկացած. այս դեպքում անհրաժեշտ է շեշտել նաև ժամանակային հարաբերութիւնը, որն արտահայտվում է երկու մասերում էլ միայն շարունակական ընթացք ցույց տվող բայաձևով, իսկ անցյալ կատարյալ բայաձևը միանգամայն բացառվում է:

«Բայց մինչ ես Վասակն էի, ես սկայ էի. մի ոտնա ի միոյ լերին կայր, և միւս ոտնա իմ ի միոյ լերին կայր» (Բիւզ., 256),

Սակայն ունենք նաև այնպիսի բարդ նախադասութիւններ, որոնց մեջ ամենևին չի զգացվում մինչ շաղկապով միացող երկրորդական նախադասութիւնների ժամանակային տեղութիւն՝ քանակային առումով, ուստի և սահմանափակութեան գաղափարը բացակայում է: Այս տեսակետից մինչ շաղկապը ձեռք է բերում յոժամ, իբրև, երբ հարաբերական բառերի շարահյուսական հոմանիշի դեր:

«Մի՛, գուցէ մինչ քաղիցէք զորոմն, եւ զցորեանն ընդ նմին ի բաց խլիցէք» (Մատթ., ԺԳ, 29—30):

Մինչդեռ.— Պետք է նկատել, որ մինչդեռ շաղկապով միացող երկրորդական նախադասութիւնները գլխավոր նախադասութեան հետ ունեցած իրենց իմաստային հարաբերութեամբ հիմնականում կատարում են շարահյուսական մի ֆունկցիա, այդ այն է, որ երկրորդական նախադասութեամբ նկարագրվում է գործողութեան տեղութիւն: Մի ժամանակահատված, որի ընթացքում, ժամանակի միևնույն հարաբերութեամբ, տեղի է ունենում գլխավոր նախադասութեան գործողութիւնը: Այլ կերպ ասած՝ գլխավոր նախադասութեան գործողութիւնը տևում է այնքան ժամանակ, որքան ժամանակ շարունակվում է երկրորդական նախադասութեան գործողութիւնը: Իսկ այդ հանգամանքը, իր հերթին, նշանակում է, որ գըլ-

խավոր նախադասութեան գործողութեան կատարումը պայմանավորված է և սահմանափակված՝ երկրորդական նախադասութեան գործողութեան հարատևութեամբ: Սահմանափակման հենց այս ֆունկցիայով է բնութագրվում մինչդեռ շաղկապով կապակցվող երկրորդական նախադասությունների էությունը: Ասվածից հետևում է, որ մինչդեռ շաղկապը ստանձնել ու զարգացրել է շարահյուսական այն ֆունկցիան, որը, ինչպես վերևում տեսանք, երկրորդաբար արտահայտում են մինչ շաղկապով միացող երկրորդական նախադասությունները:

Վեր իրավախոն ընդ տոխի քում վաղագոյն, մինչդեռ իցես ընդ նմա ի ճանապարհի» (Մատթ., Ե, 25): Հմմտ. «Գիտէք իսկ զի մինչ հեթանոսքն էիք, առ կուռսն անմոռնչս որպէս երթայիք, եւ գայիք» «Թուղթ առ Կորնթ., Ա, ԺԲ, 2):

Եթէ, Թէ.— Պայմանի այս շաղկապները երբեմն իմաստային անցում են կատարում և մասամբ արտահայտում են ժամանակի իմաստային հարաբերություններ՝ պայմանի ընկալման հետ մեկտեղ: Այդ դեպքում քէ, եթէ շաղկապների մեջ պայմանի իմաստը իշաշահվում է և կարող է ըմբռնվել նաև ժամանակի երանգով: Այս տիպի երկրորդական նախադասությունները, գործածութեան ծավալի տեսակետից, թեև շատ մեծ չափերի չեն հասել, բայց այնուամենայնիվ նրանց գոյությունը հենց դասական շրջանի մատենագրութեան մեջ նկատելի է:

«... Թէ յապակի սպիտակ՝ ջուր արկեալ յարևու ունիցիս լուսուտրութեան արեւուն մտեալ ընդ սպիտակութիւն ապակւոյն, և ընդ յստակութիւն ջրոյն օդով քափանցանց անցեալ՝ հուր ծնուցանէ» (Եզն., ԵԱ, 153): «Զի՞նչ օգուտ է մարդոյ, քէ զաշխարհ ամենայն շահեսցի, և զանձն իւր կորուսցէ» (Փարպ., 59):

Վկայված այս երկրորդական նախադասություններում պայմանի և ժամանակի գաղափարները սերտորեն միաձուլվում են: Համեմատիր նաև հետևյալ նախադասությունները.

«Եւ եթէ վշտանայ ինչ մի անդամն, վշտանան ամենայն անդամքն ընդ նմա, եւ եթէ փառաւորի մի անգամն, խնդան ամենայն անդամքն ընդ նմա» (Թուղթ առ Կորնթ., Ա, ԺԲ, 26): «Թագաւոր եթէ ոչ ունի զիմաստութիւն աթոռակից իւր, ոչ կարէ ի վիճակին իւրում վայելուլ գոլ» (Եղիշէ, ՎՎՊ, 14—15):

Շարահյուսութեան տեսակետից քէ, եթէ շաղկապներով միացող երկրորդական նախադասությունները ազատ են:

ԳՈՐԾՈՂՈՒԹՅԱՆ ՄԱՍՆԱԿԻ ՄԻԱԺԱՄԱՆԱԿՈՒԹՅՈՒՆ ՑՈՒՑՑ ՑՎՈՂ
ԳԼԽԱՎՈՐ ԵՎ ԵՐԿՐՈՐԴԱԿԱՆ ՆԱԽԱԴԱՍՏՈՒԹՅՈՒՆՆԵՐ

Դասական շրջանի գրաբարում կան նաև բարդ նախադասու-
թյան այնպիսի տիպեր, որոնց մեջ գլխավոր և երկրորդական նա-
խադասությունները թեև միաժամանակյա գործողություն են ցույց
տալիս, սակայն օժտված են վերը քննած բարդ նախադասության
տիպերից այն էական տարբերությամբ, որ ժամանակային տեղ-
դրության տեսակետից իրար չեն ծածկում, չեն համընկնում բացար-
ձակ կերպով: Տվյալ ենթատեսակի կարևոր և հիմնական առանձ-
նահատկությունն այն է, որ գլխավոր նախադասությամբ նկարա-
գրվող գործողությունը կատարվում է ընթացքի մեջ եղող երկրոր-
դական նախադասության գործողության որևէ կետում, նրա որևէ
մոմենտում: Սրանից հետևում է, որ նման կառուցվածք ունեցող
բարդ նախադասությունները արտահայտում են մասնակի միաժա-
մանակություն: Մասնակիության այդ բնորոշ հանգամանքը քերա-
կանական տեսակետից արտահայտվում է նրանով, որ երկրորդա-
կան նախադասությունների ստորոգյալները դրվում են միայն սահ-
մանական եղանակի անցյալի անկատար ժամանակով, իբրև ըն-
թացք, շարունակականություն, հարատևություն նշող բայաձևով:
Իսկ գլխավոր նախադասությունների ստորոգյալները անցյալ կա-
տարյալ ժամանակով, իբրև կարճատև, սկսված և ավարտված
գործողություն ցույց տվող բայաձևով, որը կատարվում է մի այլ
երկարատև գործողության մեջ գտնվող երկրորդական նախադա-
սության ստորոգյալի որևէ մոմենտում, հատվածում կամ կետում:
Կա նաև հակառակ երևույթը, երբ երկրորդական նախադասության
գործողությունը կատարվում է ընթացքի մեջ եղող, առավել երկա-
րատև ժամանակամիջոց ենթադրող գլխավոր նախադասության
գործողության որևէ մի մոմենտում, Այդ դեպքում ստորոգյալների
բնույթը գլխավոր և երկրորդական նախադասություններում տար-
բեր է լինում, շրջվում է: Գլխավոր նախադասության ստորոգյալը
արտահայտվում է սահմանական եղանակի անցյալի անկատար
քայաձևով, իսկ երկրորդական նախադասության ստորոգյալը՝
սահմանական եղանակի անցյալ կատարյալով:

Գլխավոր և երկրորդական նախադասությունների միջև ժա-
մանակային այս փոխհարաբերությունը արտահայտվում է հետե-
յալ քերականական միջոցներով.

ա) երկրորդական նախադասությունները գլխավորին կապ-
վում են գերազանցապես միևնույն շաղկապով.

«... Որմիզդ վերագոյն է քան զհայրն և իմաստուն. զի մինչ զնոյն յորովայնի էր՝ զխորհուրդ հօրն գիտաց» (Եզն., ԵԱ, 93—94):

Ուշագրավ է նման կառուցվածք ունեցող գլխավոր նախադասութիւնների բառային կազմը, որտեղ կարող են առկա լինել յանկարծակի, անդէն ժամանակի մակբայները, անա, անաւաթիկ եղանակավորող բառերը, ի նմին ժամանակի բառակապակցութիւնը, և այլն, որոնք ընդգծում են գլխավոր նախադասութեան գործողութեան կատարվելը՝ ընթացքի մեջ գտնվող երկրորդական նախադասութեան հետք այդ մոմենտում, անմիջապէս այդ կետում:

«... մինչ զնոյն ցայէի ևս՝ յանկարծակի ծնան հօտքն և քաղվացան, և ծնունդքն լցին զվայրսն» (Ագաթանգեղոս, ՊԶ, 385): «... մինչդեռ երանելին սուրբն Հռիփսիմէ խօսէր զայս ամենայն՝ անդէն ի նմին գիշերի եկին հասին վաղվաղակի ի տեղի անդր իշխանք թագաւորին, և դահճապետն գահճօքն հանդերձ ընդ նոսա» (Ագաթ., ՊԶ, 106): «Մինչդեռ նա խօսէր, անա ամպ լուսաւոր հովանի եղի ի վերայ նորա» (Մատթ., ԺԷ, 5): «Եւ մինչդեռ պշուցեալ ցայէին ընդ երկինս երթալոյ նորա, եւ անաւաթիկ արք երկու երեւցան նոցա ի հանդերձս սպիտակ» (Գործք Առաք., Ա, 10): բ) Գլխավոր և երկրորդական նախադասութիւնների ժամանակային և շարահյուսական նույնպիսի հարաբերութեամբ հանդես են գալիս նաև իբրև քերականական միջոց օգտագործված մինչ շաղկապով միացող երկրորդական նախադասութիւնները:

«...մինչ կային նոքա յաղօթս, շաւոնցաւ տեղին յորում էին ժողովեալ» (Գործք Առաք., Գ. 31):

գ) Ունենք նաև յորժամ հարաբերական բառով կապվող երկրորդական նախադասութիւններ, որոնք նույնպէս ժամանակային և շարահյուսական միևնույն ֆունկցիան են կատարում:

«էր ինքն երեսուն և երկուց ամաց յորժամ եկաց ի թագաւորութեանն իւրում, եւ զուգ ամ թագաւորեաց յնրուաղէմ» (Մնացորդաց, ԻԱ, 5):

Ուշագրավ է, որ վկայված օրինակում երկրորդական նախադասութիւնը (այորժամ եկաց ի թագաւորութեանն իւրում) ցույց է տալիս մի այնպիսի գործողութիւն, որը կատարվել է գլխավոր նախադասութեան ընթացքի մեջ եղող երկարատև գործողութեան մի որևէ հատվածում:

դ) Ժամանակային և շարահյուսական նույն հարաբերութիւնը արտահայտելու համար, որպէս քերականական միջոց, օգտագործվում է նաև երկրորդական նախադասութիւնները գլխավորին կապող իբրև հարաբերական բառը:

«Իբրև ի Պարսից աշխարհի էին, յայլոց ի տեղի և ի նոցուն հրապարակի աներկիւղ և անկասկած յանկարծօրէն զայսպիսի զըգործ կարաց գործել» (Քիւզ., ՊԶ, 194): «... իբրև այսպէս օր քստ օրէ ի սոյն միտս ցնորեալ դանդաշէր, մի ոմն մանկագոյն ի նախարարացն Հայոց ընդդէմ բանս եդ և ասէ» (Եղիշէ, ՎՎՊ, 13):

Վկայված օրինակներում տվյալ ժամանակային հարաբերութիւնը դրսևորելուն իբրև նպատառ, օժանդակ քերականական միջոց են ծառայել գլխավոր և երկրորդական նախադասութիւններում եղած որոշ բառեր. եթե առաջին օրինակի գլխավոր նախադասութիւն մեջ առկա է յանկարծօրէն մակբայը, որը շեշտում, ընդգծում է գլխավոր նախադասութիւն գործողութիւն կատարվելը ակնթարթային արագութեամբ երկրորդական նախադասութիւն գործողութիւն ծավալման մի կետում, ապա երկրորդ օրինակում՝ երկրորդական նախադասութիւն կազմում հանդես եկած օր քստ օրէ մակբայը ցույց է տալիս, շեշտում և սաստկացնում է նրա գործողութիւն հարատև ընթացքը:

ԳՈՐԾՈՂՈՒԹՅԱՆ ՏԱՐԲԵՐ ԺԱՄԱՆԱԿՆԵՐ ՑՈՒՅՑ ՏՎՈՂ
ԳԼԽԱՎՈՐ ԵՎ ԵՐԿՐՈՐԴԱԿԱՆ ՆԱԽԱԴԱՍՈՒԹՅՈՒՆՆԵՐ

Ժամանակային բոլորովին այլ հարաբերութիւն են նշում սույն ստորաբաժանման պատկանող բարդ նախադասութիւնները, քան միաժամանակյա գործողութիւն նշող ստորադասական նախադասութիւնները: Ինչպես վերը տեսանք, միաժամանակյա գործողութիւն էին ցույց տալիս բոլոր այն բարդ նախադասութիւնները, որոնց գլխավոր և երկրորդական մասերի գործողութիւնները տեղի էին ունենում միևնույն ժամանակահատվածում, ժամանակի միևնույն շրջանակում: Սակայն տվյալ խմբին վերաբերող բարդ նախադասութիւնները, ի տարբերութիւն միաժամանակյա բարդ նախադասութիւնների, իրենց գլխավոր և երկրորդական մասերով արտահայտում են ժամանակային այնպիսի հարաբերութիւններ, որոնք ճաշդարձակաբար են նշում: Ըստ որում այդ հաջորդականութիւնը իրագործվում է երկու կերպ.

ա) երբ երկրորդական նախադասութիւն գործողութիւնը ճաշդարձակ է գլխավոր նախադասութիւն գործողութիւնը.

բ) երբ երկրորդական նախադասութիւն գործողութիւնը ճաշդարձակ է գլխավոր նախադասութիւն գործողութիւնը:

Այս ենթախմբին վերաբերող բարդ նախադասությունները ունեն այն հիմնական առանձնահատկությունը, որ դրանց գլխավոր նախադասության գործողությունը կատարվում է նախքան երկրորդական նախադասության գործողության կատարումը, մինչև նրա տեղի ունենալը: Հետևաբար գլխավոր նախադասության գործողությունը հարատևում է այնքան ժամանակ, քանի դեռ երկրորդական նախադասության գործողությունը հանդես չի եկել, չի սկսվել: Այլ կերպ ասած՝ գլխավորի գործողությունը սկսված և ավարտված է լինում, անմիջապես որ սկսվում է երկրորդական նախադասության գործողությունը:

Օրինակ՝ «... ոչ տղայոյ ոք հաստատուն կերակուր տայ, և ոչ մեծամեծ խորհուրդս յայտնէ, և ոչ աւագ բանս խօսի, մինչև ի կատարեալ չափ հասակին հասանիցէ» (Ծղն., ԵԱ, 161):

Այս աիպի բարդ ստորադասական նախադասություններում գլխավոր և երկրորդական մասերի միջև ժամանակային հարաբերությունն ու շարահյուսական իմաստը դրսևորվում է ամենաբազմադան երանգներով ու նրբություններով, որոնցից թվենք ամենաբնորոշ և էական տեսակները:

1. Երբ գլխավոր նախադասությունը պարզապես նախորդում է երկրորդական նախադասության գործողությանը, հետևաբար գործողությունների սոսկ հաջորդականություն է տեղի ունենում, առանց որևէ իմաստային երանգ հաջորդելու բարդ նախադասությանը, ըստ որում գլխավոր նախադասության գործողության դադարից հետո ենթադրվում է երկրորդական նախադասության գործողությունը:

«Մինչև տիւն նուազեսցէ եւ ստուերքն շարժեսցին, գնացից ես ինձէն» (Երգ երգոց, Դ 6):

2. Գլխավոր նախադասության գործողության տևողությունը սահմանափակվում է երկրորդական նախադասության գործողության մեջ և ժամանակային փոխհարաբերության տեսակետից թեպետև գլխավոր մասը իր գործողությունը սկսում և ավարտում է նախքան երկրորդական մասի գործողությունը, սակայն միաժամանակ այն նշում է տևողության չափ, ուստի և այդ բնույթի բարդ նախադասությունները օժտված են լինում նաև չափի պարագայի իմաստային երանգավորմամբ: Նման տիպի բարդ նախադասություններում գլխավոր և երկրորդական գործողությունների հաջոր-

դումը բնորոշվում է դադարով: Կառուցվածքային այս նախադասու-
թյուններում, իբրև քերականական միջոց, գերազանցապես օգտա-
գործվում է մինչև շաղկապը:

«Եւ կոչեցեալ զծառայս իւր ետ նոցա տասն մնաս, եւ ասէ ցնո-
ւա, Յարգեցէք զայգ մինչև եկից» (Ղուկասու, ԺԹ, 13):

Հանդիպում են նաև բարդ նախադասութեան այնպիսի կառուց-
վածքներ, երբ երկրորդական նախադասութիւնը գլխավորին կապ-
վում է նաև առանց մինչև շաղկապի, այլ ուղղակի ցուծամ հարա-
բերականով, որը շարահյուսական նույն ֆունկցիան է կատարում,
ինչ մինչև շաղկապը:

«Արի, առ զմանուկդ և զմայր իւր, եւ փախիր յԾգիպտոս, եւ
անդ լինիշիր ցուծամ ասացից քեզ» (Մատթ., Բ, 13):

Ժամանակային միևնույն հարաբերութիւնը բացահայտելու
և շարահյուսական միևնույն իմաստը դրսևորելու համար, իբրև
քերականական միջոց, գրաբարն օգտագործում է նաև մինչ, մինչ
զի շաղկապները, իհարկե, ավելի նվազ չափով:

«Եւ այսպէս դիւօք վարեալ, այսպիսի գործս զամենայն աւուրս
կենաց իւրոց ըմբռնեալ Պապն որդին Արշակայ, մինչ եհաս ի Թա-
ւաւորութիւնն, մինչև ի մահ իւր» (Բիւզ., ՊԶ, 237—238): «Վասն որոյ
անկանէր ի գաղտագողօնս (Տիրիթ), մինչ զի զնուն իւր տեսանել
կարասցէ» (Բիւզ., ն. տ., 180):

Ժխտական կառուցվածք ունեցող նույն տիպի բարդ նախադա-
սութիւններում նկատելի են հետևյալ իմաստային նրբութիւնները.
գլխավոր նախադասութեան գործողութեան կատարումը բացառվում
է այնքան ժամանակ, քանի դեռ տեղի չի ունեցել երկրորդական
նախադասութիւնը, բայց որի կատարումը ենթադրվում է միայն
երկրորդական նախադասութեան գործողութեան կատարման դեպ-
քում, նրանից հետո: Այլ կերպ ասած, գլխավոր նախադասութեան
գործողութեան կատարումը դրական առումով հնարավոր է ընկա-
լել միայն այն պայմանով, որ կատարվի երկրորդական նախադա-
սութեան գործողութիւնը, հետևաբար այստեղ առկա է պայմանա-
վորվածութեան իմաստային ընդգծված երանգ, Այդ նշանակում է,
որ ժխտական ձևով ըմբռնելու դեպքում գլխավոր մասի գործողու-
թեան խափանումը տևում է մինչև երկրորդական մասի գործողու-
թեան տեղի ունենալը, իսկ դրական իմաստով գլխավորի գործողու-
թեան թույլատրումը հնարավոր է երկրորդական նախադասութեան
գործողութեան կատարումից հետո:

«Եւ ոչ հաւատային Հրեայքն զնմանէ Թէ կոյր էր եւ բացաւ,
մինչև կոչեցին զծնողս քացելոյն» (Յովհ., Թ, 18):

Սակայն իմաստային այս երանգը դրսևորելու և շարահյուսական նույն ֆունկցիան կատարելու համար գրարարն ստեղծել է կառուցվածքային առանձին տիպի բարդ նախադասություններ՝ իրենց կապակցման յուրահատուկ քերականական միջոցով, որպիսիք մեծ տարածում են գտել դասական շրջանի մատենագրության մեջ: Այդ փաստը, իր հերթին, վկայում է այն մասին, որ դրանք օժտված են եղել առավել ակտիվությամբ ու կենսունակությամբ: Նման կառուցվածքի երկրորդական նախադասությունները գլխավորին կապվում են մինչ չև բարդ շաղկապով, որը բաղկացած է մինչ շաղկապից և չև ժխտական մասնիկից:

«Մինչ չև բնաւ էր ինչ, ասեն, ոչ երկինք և ոչ երկիր և ոչ այլ ինչ արարածք՝ որ (են) յերկինս կամ յերկրի, Զրուան ոմն անուն էր, որ թարգմանի բախտ կամ փառք» (Ծղն., ԵԱ, 19):

Այս ենթատեսակին պատկանող կառուցվածքային առանձին տիպ են կազմում այն բարդ նախադասությունները, որոնց գլխավոր մասի գործողությունը կատարվում է երկրորդական մասի գործողությունից անմիջապես առաջ, նրան իսկույն ևեթ նախորդելով: Այդ դեպքում գլխավոր նախադասության բառային կազմում անդէն վաղվաղակի և այլն մակբայները օժանդակ գեր են խաղում ժամանակային անմիջական հաջորդականություն արտահայտելու գործում:

«Եւ եղեւ մինչչեւ իմ կատարեալ էր զխօսս ի մտի իմում, անդէն վաղվաղակի ելանէր Ռեբեկա, և ունէր սափոր յուս իւր» (Մնունդք, ԻԴ, 45):

Ի դեպ՝ վկայված երկրորդական նախադասության ստորոգյալը անցյալ դերբայով դրված լինելու պատճառով, նրա ենթական արտահայտվել է սեռական հոլովով («իմ»), մի օրինաչափություն, որը հատուկ է գրաբարի շարահյուսական համակարգին:

3. Կան բարդ նախադասության կառուցվածքային սույն ենթախմբին պատկանող այնպիսի տիպեր, երբ գլխավորի գործողության կատարման հետևանքով իբրև արդյունք ստացվում է երկրորդական նախադասության արտահայտած գործողությունը:

«Եւ այսպիսի բանիւք գաղտնի հանապազ զթագաւորն գրգռէին մինչև հաւանեցաւ ըստ կամաց նոցա զսպարապետն զգօրավարն Հայոց սպանանել» (Բիւզ., 353—4): «Սակայն ի նոյն հոր իջուցեալ զանձն իւր զամենայն աւուրս կենաց իւրոց, մինչև ի նմին հոր վաղճանեցաւ եղբայրն» (Բիւզ., 337):

Դասական շրջանի մատենադրության շարահյուսական համակարգն ունի բարդ նախադասությունների այնպիսի տիպեր, որոնցում գլխավոր և երկրորդական նախադասությունների գործողությունները նշելով հանդերձ ժամանակային հաջորդականություն, հանդես են գալիս միշտ հետևյալ հարաբերությամբ՝ երկրորդական նախադասության գործողությունը, իբրև կանոն, նախորդում է գլխավոր նախադասության գործողությանը: Սակայն հենց այդ հաջորդականության բնույթից էլ առաջանում են երկրորդականի և գլխավորի կապակցման բազմապիսի իմաստային երանգներ:

«Յայնժամ յաճախիցեն անօրէնութիւնք, յոճժամ սէրն ցամաքիցի» (Ոսկ., հ. 1, էջ 13):

Այս օրինակում ընդգծված է պայմանի գաղափարը, այն, որ գլխավոր նախադասության գործողությունը կատարվի, եթե կատարվի երկրորդական նախադասությունը:

Պատճառա-հետևանքային իմաստ ունի հետևյալ նախադասությունը.

«Եւ գիտեմք, եղբարք, որչափ ինչ վշտանայ մարմին՝ յոճժամ բարշեցի զհերացն (ՍԵԳՃ, 107):

Հիմունքային հարաբերություն է նշում բարդ նախադասությունը, երբ գլխավորի գործողությունը կատարվում է երկրորդականի գործողության հիման վրա, նրա դրդապատճառով.

«Իսկ թաղաւորն Արշակ, իբրև լուաւ և ետես զայս ամենայն, անշնորհ առնէր զտալիսն և զբերելիսն կարասոյն» (Բիւզ., 162):

Սակայն պետք է նկատել, որ սրանք պատճառի, պայմանի, հետևանքի, հիմունքի և այլն պարագաներ չեն հանդիսանում, որովհետև իրականում դրանք ժամանակային հաջորդականություն են արտահայտում, ուստի և համարվում են ժամանակի պարագա նախադասություններ: Բանն այն է, որ երևույթների հաջորդականությունը, երևույթների կապակցությունները լինում են վերին աստիճանի բազմազան բնույթի, ըստ որում այդ կապակցության ձևերը լինում և՛ պատճառի, և՛ հիմունքի, և՛ հետևանքի, և՛ պայմանի, և՛ այլ տեսակի: Հետևաբար օբյեկտիվ իրականության երևույթների այդ բազմապիսի կապակցությունները արդյունք են նրանց միմյանց նկատմամբ ունեցած սերտ հարաբերությունների, բխում են հենց այդ հարաբերություններից: Ասվածից կարելի է եզրակացնել, որ այդ կապակցությունները իրենց հիմքում մտա-դատողական,

տրամաբանական կատեգորիաների դրսևորումներ էլ չեն հանդիսանում: Գուցե այս վերջին հանգամանքն է այն արգելափակ պատճառը, որ թույլ չի տալիս նման կառուցվածքի երկրորդական նախադասությունները համարել պայմանի, պատճառի, հիմունքի, հետևանքի և այլ պարագաներ,

Այժմ քննենք, թե հաջորդականություն այս ձևը քերականական ինչ միջոցներով է իրագործվում:

1. Երկրորդական նախադասությունները գլխավորին կապվում են գերազանցապես յոթամ և իբրև հարաբերական բառերով, առանց իմաստալի տարբերակման. հետևաբար դրանք հանդես են գալիս հոմանիշային արժեքով: Սակայն կիրառման եղանակի տեսակետից պետք է անել մի վերապահություն. այն, որ երկրորդական նախադասությունները իբրև հարաբերական բառով կապվում են հիմնականում անցյալ ժամանակակետում կատարված գործողությունների դեպքում, իսկ շատ հազվադեպ գործածություն ունի իբրև հարաբերականը ներկա և ապագա ժամանակակետերի նկատմամբ: Այդ բացը լրացվում է յոթամ հարաբերականի հաճախակի գործածությամբ՝ և՛ ներկա, և՛ ապառնի, և՛ անցյալ ժամանակակետերի նկատմամբ:

«Եւ որ ոչ ընկալցի զձեզ և ոչ լուիցէ բանից ձերոց, իբրեւ ելանիցէք ի ասնէն կամ ի քաղաքէն յայնմանէ, թոթափեսջիք զփոշին յոտից ձերոց» (Մատթ., Ժ, 14): «Եւ իբրև եմուա ի նաւն, զնացին զկնի նորա աշակերտքն նորա» (Մատթ., 8): «Եւ յոթամ ի շէն ուրեք իջանէր (Շաղիտայն), զբազում մոլորեալս դաւաճուցանէր նշանօք և արուեստիւք» (Բիւզ., 329):

Ինչպես կարելի է դիտել սույն ենթախմբում բարդ նախադասությունների առանձնահատկությունները քննելիս, մեծ մասամբ գլխավորի և երկրորդականի հաջորդականությունը ընկալվում և ըմբռնվում է միայն հաղորդված երևույթների ուշադիր հետևումից, առանց այդ հարաբերությունը նշող կամ ակնարկող կողմնակի, օժանդակ միջոցի օգտագործման, Սակայն այդ հարաբերությունը ավելի բացահայտ և անմիջական դարձնելու համար որպես նպաստող միջոց գլխավոր նախադասության սկզբում գրաբարում օգտագործվում են նաև ապա, յետոյ, այնուհետև, դարձեալ և այլն բառերը, որոնք շեշտում, ընդգծում են գլխավորի հաջորդելը երկրորդականին.

«...իբրև եկն մերձեցաւ հեծեալն մօտ ի նա անդր, ապա սպասեալ Յովհաննու՝ բռտն հարկանէր զերասանակաց ձիոյն, և ասէր»

(Բիւզ., 399): «Նախ ամենքեան իբրև բաղմեցա՞ն յիւրաքանչիւ շափու, յետոյ ածէին բաղմեցուցանէին զարքայն Արշակ» (Բիւզ., 255): «Այլ իբրև եղև խաղազութիւն ի մեջ թագաւորին Յունաց և ի մէջ թագաւորին Պարսից, այնուհետև կաղմէր զղօրս իւր թագաւորն Պարսից Շասրուհ, և խաղաց ի վերայ Արշակայ արքային Հայոց մարտի պատերազմաւ» (Բիւզ., 211):

Ակնբախ է, որ վերոհիշյալ կառուցվածքի բոլոր բարդ նախադասութիւնները գլխավոր մասի՝ երկրորդական նախադասութիւնը սոսկ հաջորդելու փաստն են նշում՝ ժամանակային հարաբերութիւն տեսակետից: Սակայն նույն ենթատեսակին վերաբերող նախադասութիւններ կան, որոնցում գլխավորի գործողութիւնը անմիջապէս, իսկույն ևեթ կատարվում է երկրորդական նախադասութիւնից հետո: Ժամանակային այս հարաբերութիւնը արտահայտելու համար գրաբարում օգտագործվում են իբրև նպաստող, կողմնակի քերականական միջոց անդէն, վաղվաղակի, փութապէս, անխափան, իսկույն և այլ մակբայները գլխավոր նախադասութիւն թառային կազմում:

«Որպէս թէ յորժամ ծնանիցինն, անդէն և մահուանքն իւրաքանչիւր ուրուք սահմանիցին, և ըստ այն ոչ յառաջել ումեք մեռանել հնար իցէ, և ոչ յամենալ» (Եզն., 107): «... սուրբ քահանայքն իբրև լուան, իսկույն գիտացին աղդեցութեամբ սուրբ Հոգւոյն զհասեալ բարի ժամ յուսոյ նահատակութեան իրեանց» (Փրպ., 89): «Իսկ նոքա իբրև զայն ամենայն լուան, փութապէս վաղվաղակի հասանէին ի տեղին, և ականատեսք լինէին գործոյն յաղթութեան» (Եղիշ., 78):

* * *

Ուղահանուր գծերով մենք նկարագրեցինք դասական շրջանի գրաբար համաժողովրդական լեզվի շարահյուսական համակարգում զգալի տեղ գրավող ժամանակի պարագա նախադասութիւնները՝ իրենց հիմնական առանձնահատկութիւններով ու դրսևորման եղանակներով: Ծույց տալով ժամանակի պարագա նախադասութիւնների գլխավոր առանձնահատկութիւնները, իբրև եզրակացութիւն մենք կարող ենք հաստատ կերպով ասել, որ գրաբարը ունեցել է ժամանակի շարահյուսական կատեգորիան արտահայտող երկրորդական նախադասութիւնների հարուստ համակարգ՝ ընդունակ լինելով արտահայտելու օբյեկտիվ իրականութեան ամենաբարդ և նրբին ժամանակային հարաբերութիւնները: Այդ նպա-

տակի համար նա ունեցել է իրեն սեփական, յուրահատուկ բերականական միջոցներ, որոնց հետազոտումը խիստ կարևոր է արդի հայերենի շարահյուսական համակարգում ժամանակի պարագանախաղասությունների էվոլյուցիան ճիշտ և ամբողջական պատկերացմամբ ըմբռնելու համար:

Л. Г. ХАЧЕРЯН

ПРИДАТОЧНЫЕ ОБСТОЯТЕЛЬСТВЕННЫЕ ПРЕДЛОЖЕНИЯ ВРЕМЕНИ В КЛАССИЧЕСКОМ АРМЯНСКОМ ЯЗЫКЕ

Р е з ю м е

В данной статье рассматриваются проявления придаточных обстоятельственных предложений времени в классическом армянском языке.

Обстоятельно показано, какими грамматическими средствами выражаются в грабаре придаточные обстоятельственные предложения, какие синтаксические функции они выполняют и какие семантические оттенки они выражают. Автор весь исследуемый материал разбивает на 2 большие группы под общими заглавиями.

1. Главные и придаточные предложения, выражающие одновременность действия.

2. Главные и придаточные предложения, выражающие различное время действия. А эти группы, в свою очередь, расцепляются на более детализированные и конкретные подгруппы. Так в группу главных и придаточных предложений, выражающих одновременность действия входят подгруппы:

а) главные и придаточные предложения, выражающие общую одновременность действия;

б) главные и придаточные предложения, выражающие частичную одновременность действия, где группируются и описываются сложные предложения различных структур.

В разделе главных и придаточных предложений, выражающих различное время действия, входят:

а) Придаточные предложения, предшествующие во времени действию главного предложения;

б) Придаточные предложения, следующие во времени за действием главного предложения, в которых группируются и описываются различные типы сложных предложений, указывая на особенности проявления каждого типа в отдельности и на их смысловые оттенки.